

Enformaziuns y Comunicaziuns



Oraziun: I recordun la oraziun „10 minuc por la pêsc“, vigne jöbia ales 18:00 te dlija. Gragn y pici é bel enviês.

Dotur: Le dotur Eduard Agreiter lascia alessèi che al é demez **da en lõnesc ai 21 de merz cina al dedemesaledema 23 de merz**. Al vèn sostitui dla doturia Margarete Mahlknecht, tel. 349 0667034.

Comune: En lõnesc ai 21 de merz gnarál mené fora na newsletter diretamonter dla plata de Comune. I sèis dèr bel enviês da ciaré dô sce i ciafèis la comunicaziun. Sce nia, präibel comunichedele al 0474 503760 (Margareth). Chi co n'è nia ciamó registrès, é periès da le fá sot www.comun.mareo.bz.it/la/Sorvisc/Media/Newsletter

Gara dal païsc: Le Sci Club d'Al Plan envièia duc - pici y gragn - ala **gara dai schi de Mareo**, en domègna ai 27 de merz ales 9:30 sön la pista Pedagá. Iscriziuns anter i 24 de merz tal ofize turistich.

Museum: L'Aziènda Museums Provinziai chir por le Museum Ladin Ciastel de Tor ta San Martin o por le Museum Ladin Ursus ladinicus ta San Ciascian **en colaboradú/na colaboradèssa pla cassa** con alplü 24 ores al'edema, tal 4. nivel funzional. Le contrat é a tomp determiné dai 01.05. ai 31.10.2022. Enformaziuns sön i recuisic ciacun ala misciun mail info@landesmuseen.it. Enló é l'ince da mené ete les domandes con curriculum vitae, anter i 24 de merz.

Dé dla solidarieté - Döt taca adöm



Encö ai 20 de merz recordunse le Dé dla Solidarieté. La Comisciun Diozejana por i problems soziai y dal laür, deboriada con le Vësko Ivo Muser, oress porté l'atenziun sön le dèr raport che i án con nos enstèsc, con i atri y ince con la Creaziun. „**Döt taca adöm**“ é le motto de cösc dé, olache an ô alzé fora che duc i ciamps essenziài dla vita é liès danter èi y s'influenzèia l'önn con l'ater: sozieté, cultura, fede, ecologia y tan d'atri. Döt cösc nes encorajèia ince da operé te na maniera responsabla: „Nosc obietif é chël da agüzé la odüda personala sön les poscibilitès d'en stil de vita sostenibl y porchël favorí desco cristiagn le svilup dla sozieté te cösta direziun“, dij Johann Kiem, referènt diozejan por i problems dal laür y la iustizia sozuala. Le Vësko Ivo Muser enjunta che „Al vá debojügn da cherié na cultura dl'atenziun y dal daidé, a na moda che la cura y la responsabilité por l'ater, desco ince la condiviijiun, ne romagni nia parores ötes, mo ciafi espresciun te fac concrec.“ (*Comunicat dla Diozeja*)

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org




Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

20.03.2022 - Terza Domègna de Carsèma
Dé dla solidarieté

nr. 17

I früc dal lèn - i früc de nosta vita

Dal Vagnele dô San Luca 13, 1-9

¹Te chël tomp n'él gnü en valgügn da Gejü y ti á cunté de chi galilèi che Pilato â lascé copé dertan l'oferta, tan che so sanch s'á moscedé con chël dai tiers co gnea ofris. ²Al ti á dit: Minèise os, che mâ chi galilei sides stês piciadus deach'ara ea sozedüda ensciö empara, y duc i atri galilei no? ³Na, al contrar: i moriarèis avisa ensciö, sc'i ne se convertiarèis nia. ⁴O chi dejedot, co é gnüs copês dala roina dla tor de Sciloah - minèise che mâ chi s'ais ciarié ados na colpa y duc i atri abitanc de Ierusalem no? ⁵Na, al contrar: Os duc moriarèis avisa ensciö, sc'i ne se convertiarèis nia. ⁶Y al ti á cunté cösta parabola: En ël â en lèn da fighi te sôa vigna; y canch'al ea gnü a ciaré dô sc'al portâ früc, ne n'ál ciafé degügn. ⁷Danló ti ál dit a so vignadú: sën vègni belo trèi agn alalungia a ciaré dô sce cösc lèn porta früc y i ne nen ciafi degügn lassora. Mazele ia! Ciodi dessel pa ti tó ennant la forza ala tera? ⁸Le vignadú ti á rospognü: Lascele ciamó en pé eniann; i ô sapé sô la tera encèria y l'enculté. ⁹Forsc portel empó ciamó früc; sce nia, lascele spo mazé ia.



Parora dal Signur. - Lalt a te, Gejü Crist!

I meditun le Vagnele



- Chël Bel Dio s'aspeta da nos y da nosta vita früc vis y boggn. Al ne basta nia mâ les bones intenziuns, al ô ester fac concrec y sonziers.
- Mo Chël Bel Dio é ince paziont y se dá ciamó tomp. Al „enculta“ nosta vita con speranza y coraje, por che i ánse l'ocajun da mioré y da müdé les cosses co ne büta nia te nosta vita.

I periun ensciö



Gonot sunse ince nos desco le lèn da fighi co é sèch y ne porta degügn früc. Tö se das tan de ocajuns por mioré, mo i ne les anüzun nia. Te se scinches amur y amizizia, mo i ne i fajun nia cajo. I ti ciari al monn y mëssi dé pro che gonot sunse püch reconescionc. Mo tö as pazionza, Signur. I te präii, aspeta ciamó en pü', dasse ciamó en pü' de tomp. Con l'aiüt de töes scincundes sarunse dessogü ince nos boggn da porté de boggn früc sön i trus de nosta vita. (*Walter Cazzaniga, Parola Amica*)

Edema liturgica dai 20.03. ai 27.03.2022		
DOM 20.	Terza domëgna de Carsëma De dla solidarieté	<i>Wolfram, Irmgard, Claudia</i>
08:30	<i>s.m. a La Pli</i> corona	
10:00	gran mëssa por dōta la ploania <i>offerta le por patronat ACLI KVV</i> LAD +nt Obwegs Walter, Canester +ntes Erlacher Agnes y Marta, Cargá - Püres Animes	
18:00	Les Staziuns	
Lön 21.	<i>Christian, Benedet, Emilie</i>	
18:00	s.m. +nc' de Pire y Adolf Ties +nt Pepi Palfrader, Wien dal ann por +ntes Etta y Maria Pisching de Candido	DEU
Ded 22.	<i>Lea, beat Clemens August, Elmar</i>	
19:30	corona	
Dem 23.	<i>Turibio Mongrovejo, Rebeca</i>	
18:00	Les Staziuns	
Jöb 24.	<i>Elias, Oscar Romero, Caterina, Simon</i>	
N.B.:10:30	signor ploan va a proveder	
18:00	„10 minuc por la pêsc“ - oraziun	
Ven 25.	GRAN FESTA DL'ANUNZIAZIUN DAL SIGNUR , <i>Annunziata</i>	
07:30	s.m. por i scolari dal ann por +nt Tone Obojes, Val +nta Monica Peshalaz da Tlea por familia de Cone da Val	LAD
18:00	Les Staziuns	
Sab 26.	<i>Luidger, Larissa (Lara), Tecla</i>	
17:30	corona	
18:00	s.m. prefestia dal ann por +nc' Lois y Pepi Castlunger +ntes Erlacher Cherubina y Canins Loise +nta Monica Erlacher - +nt Paul Pitscheider	ITA
DOM 27.	Cuarta domëgna de Carsëma "Laetare" De dal Seminar	<i>Haimo, Frowin</i>
08:30	<i>s.m. a La Pli</i>	
10:00	gran mëssa por dōta la ploania <i>offerta por le Kassian Tschiederer Werk</i> LAD	
ora da disté!		
18:00	dal ann por +nc' Maria y Franz Comploi dal ann por +nt Vighile Erlacher, Torpei dal ann por +nta Loise Taibon, Lé dla Crëda +nt Vighile Obojes dal Craizer Les Staziuns	

Periun tres endô y tres danö. L'oraziun müda le cör y la mont dles porsones. Ara porta aiüt y soluziun olache nos ne roun nia plü ennant.

Na storia co fej ponsé sora: Le lægn co n'é nia da adoré

En zompradú y so scolar jea en iade adöm fora por en gran bosch. Tlafinada roâi pa en lægn da ro co ea alt, brognorus, vedliscimo y de morvëia bel. Le zompradú damanâ so scolar:

“Saste ciodi che cösc lægn é tan gran, brognorus, vedliscimo y demorvëia bel?” Le scolar ti ciarâ a so maester y respognea: “I ne sá nia, ... ciodi?” Le zompradú dijea: “Ciodi ch'al n'é nia adoré. Sc'al foss sté da adoré, fossel belo dadio gnü taié ia por fá mësés y scagns adenfora. Mo deache an ne pó nia l'adoré, ál podù crësce sò tan bel gran, y te sòa ombria pon se sonté a palsé.” (*Henri J. M. Nouwen*)

Entres ma i atri

Dé ota desson, ensciö dijeste Tö, Signur. Cösc ó pö dí, ch'i án fat valch de falé, - vignönn dess reconësce sòa colpa, por podëi mëter man danö.

Mo, sc'i ciari en püch encërch, spo aldi ma che düc é inozonc. De colpa é la sozieté, l'educaziun ... Degügn n'ò reconësce sòa colpa. Entres él ia atri, él les circostanzes. Porchël se fistidiëia tan trec da descolpé i atri, dai cambié. Tö le sás, Signur, degun de nos é Robinson. Familia, sozieté conzeziun dal monn nes condizionëia, pó baié sò. Mo iu ne pó nia dé ota, sce i ne vëighi nia ete mia colpa. O sce i encolpëii i atri. Porchël Te præii, dëidemo da ester onest, sonzier, iüst. (*Paul Roth*)

LE CRIST É SONZA MANS

Al á ma nostes mans, co dëida sëgn la jont. Le Crist é sonza pisc, al á ma plö nüsc pisc co vá a chirí la jont. Le Crist é sonza usc, al á ma nosta usc por ensigné la jont. Vagnel ne n'ál degun, al á ma plö le vagnel co é scrit tal cör dla jont.

Zuspruch


AM SONNTAG

Dritter Fastensonntag C

Schuld wird nicht getilgt, wenn man sich nicht zu ihr als der eigenen Schuld bekennt.

Carl Friedrich von Weizsäcker

Die Menschen um Jesus sind damit beschäftigt, sich gruselige Geschichten aus dem Leben der anderen zu erzählen – und gleichzeitig distanzieren sie sich davon. Es schwingt ein „Mir kann das nicht passieren“ mit. Jesus wendet dieses Verhalten in die Gegenrichtung und macht es zur kritischen Anfrage: Was macht ihr denn eigentlich mit eurer begrenzten Zeit? Was machst du mit deiner Zeit? Weiter gefragt: Was ist noch unerledigt? Was muss ich wiedergutmachen, in Ordnung bringen? Jesus erinnert seine Zuhörer daran: Irgendwann ist es zu spät – für euch zu spät! – und ihr wisst nicht, wann das sein wird. Du weißt nicht, wann das sein wird. Ich weiß nicht, wann das sein wird.



John Blankers

Sorvisc dai Ministronc

Lönesc 21/03 (18:00h), Vëndres 25/03 (07:30h): David y Romina Palfrader;

Dedemesaledema 23/03 (18:00h): Felix y Lena Feichter, Barbara y Sophie Rungger Kuprian, Alicia Angelica Weiss;

Vëndres 25/03 (18:00h), Domëgna 27/03 (18:00h): Jimmy Call, Niki Fappani, Anna Promberger, Jonas Rindler, Angela Trebo;

Sabeda 26/03 (18:00h): Maja Complojer, Elena y Emanuel Frenademetz, Giovanni Gnesotto, Maneschg Pire, Elias y Silvia Obojes, Mattia Ploner;

Domëgna 27/03 (10:00h): Diana, Madalena y Matthias Deval, Armin y Simon Trebo

